



BASES DO CAMPAMENTO DE CONCILIACIÓN VERÁN 2024 DO CONCELLO DE MIÑO

1.- Obxecto

O Concello de Miño pon en marcha o campamento de conciliación no verán 2024 para promover a igualdade e a socialización entre participantes. O fomento da igualdade de xénero é unha prioridade no campamento, xunto coa eliminación das desigualdades e a integración dos colectivos en risco de exclusión social. Abordaranse estes temas desde diferentes puntos de vista e con actividades transversais e específicas.

2.- Destinatarios

O campamento de conciliación está destinado a aquelas nenas e nenos nados entre os anos 2012 e 2020 (ambos inclusive) e que cumpran os seguintes **REQUISITOS**:

- Empadroadas/os no Concello de Miño a 1 de marzo de 2024 ou fillas/os de persoas que acrediten ter un posto de traballo en Miño.
- Situación de activo laboral de ambos proxenitores ou titores legais.
- Horario de traballo de mañá ou de noite de ambos proxenitores ou titores legais de luns a venres.
- Ambos proxenitores ou titores legais sen vacacións no mes solicitado (valorarase a situación).

Entre aqueles participantes que cumpran os requisitos citados, terán ademais **PRIORIDADE** aqueles nos que se de algunha das seguintes circunstancias (que deberán estar formalmente acreditadas):

- Familia monoparental
- Familia numerosa
- Familia refuxiada
- Víctima de violencia de xénero en calquera das súas formas
- Mulleres en situación de desemprego
- Mulleres maiores de 45 anos
- Familias nas que existan outras cargas relacionadas cos coidados
- Familias con rendas inferiores a 3 veces o IPREM

De quedaren prazas valeiras valorarase a posibilidade de permitir a entrada a solicitantes que non cumpran os requisitos establecidos en función da capacidade do Concello de Miño e a organización e funcionamento do campamento.



3.- Descrición do Campamento

3.1.- Datas

O campamento divídese en catro quendas: **primeira e segunda quincena de xullo e primeira e segunda quincena de agosto.**

Poderanse solicitar as catro quendas pero darase preferencia a que tódolos solicitantes que cumpran os requisitos establecidos teñan concedido unha.

- Primeira quincena de xullo: do 1 ao 15
- Segunda quincena de xullo: do 16 ao 31
- Primeira quincena de agosto: do 1 ao 14
- Segunda quincena de agosto: do 16 ao 31

3.2.- Lugar

O campamento levaranse a cabo en dous espazos diferentes:

- Local Social de Bemantes
- Local Social de Xarío

3.3.- Prazas

Ofértanse un total de 80 prazas na primeira y segunda quenda de Xullo, e 70 prazas na primeira e segunda quendas de agosto, marcándose un mínimo de 20 participantes para por en marcha o campamento en cada sede.

As prazas asignaranse por orde de inscrición tendo en conta os requisitos e prioridades descritos no apartado 2 das presentes bases.

Os solicitantes poderán seleccionar un lugar de preferencia entre as dúas opcións dispoñibles, pero corresponde ó Concello de Miño a decisión do lugar de asistencia en base a criterios de proximidade e estrutura do grupo (idades, horarios, etc.).

3.4.- Horario

O horario de entrada pode verse modificado de oficio polo Concello de Miño en función das necesidades organizativas dos diferentes grupos, sempre antes do comezo da actividade.

Os horarios que se ofrecen son:

Entrada:

- o En calquera momento entre as 7.30 - 9.30 h.
- o Ás 10.00 h.

Saída:

- o Ás 14.00 h.
- o Entre as 15:00 e as 16:00 h. Non hai servizo de comedor, polo que deberán traer a comida da casa coa posibilidade de quentalo no microondas.



4.- Preinscrición

O prazo de preinscrición para calquera quincena é do **martes 14 de Maio ás 09:00 horas ao domingo 26 de maio**. Calquera solicitude presentada fóra destas datas, considerarase unha solicitude fóra de prazo.

De quedaren prazas libres, poderanse apuntar unha vez finalizado o prazo.

A documentación complementaria a presentar coa preinscrición é a seguinte:

- DNI de proxenitores ou titores legais.
- Documento xustificativo do traballo de ambos proxenitores ou titores legais (un dos seguintes):
Vida laboral actual, recibo de autónomos actual OU nómina actual.
- Certificado de empresa co horario no mes solicitado de ambos proxenitores ou titores legais.
No caso de persoal autónomo, declaración xurada.
- Certificado de empresa coa data das vacacións no ano 2024 de ambos proxenitores ou titores legais.
No caso de persoal autónomo, declaración xurada.
- De ser o caso, haberá que presentar a seguinte documentación xustificativa de diferentes circunstancias a ter en conta:
 - Certificado de empresa que acredite que o proxenitor/a ou titor/a legal traballa en Miño.
No caso de persoal autónomo, declaración xurada.
 - Documentación xustificativa de familia monoparental.
 - Documentación xustificativa de familia numerosa
 - Documentación xustificativa de familia refuxiada
 - Documentación xustificativa de situación de vítima de violencia de xénero
 - Documentación xustificativa de ser muller en situación de desemprego
 - Documentación xustificativa de ser muller maior de 45 anos.
 - Documentación xustificativa de que existen outras cargas relacionadas cos coidados no núcleo familiar.
 - Documentación xustificativa de ter ingresos familiares inferiores a 3 veces o IPREM (unidade familiar cuns ingresos anuais inferiores aos 21600 euros).

Presentación telemática na Sede electrónica do Concello de Miño ou presencial no Rexistro municipal.



5.- Publicación da listaxe provisional e listaxe final

O luns 3 de xuño publicarase na páxina web do Concello de Miño a listaxe con aqueles solicitantes que aportaron toda a documentación e aqueles os que se lles require. O prazo para subsanar a documentación necesaria será do luns 3 de xuño ó domingo 9 de xuño.

O martes 11 de xuño publicarase na páxina web do Concello de Miño a listaxe provisional. O prazo para alegacións será do mércores 12 de xuño ó venres 14 de xuño.

- De existir menos solicitudes que prazas, adxudicaranse **directamente a todos aqueles que cumpran os requisitos.**
- De existir máis solicitudes que prazas, adxudicaranse ás prazas por orden de inscrición a aqueles que cumpran os requisitos.

O luns 17 de xuño a partir das 14:00 horas, publicarase a listaxe definitiva coa adxudicación de prazas e unha listaxe de reserva.

6.- Prazo de pago

O custo do campamento de conciliación réxese por prezo público, sen descontos aplicables.

O pago realizarase mediante TPV no propio Concello, auto liquidación, transferencia, ou ingreso bancario en calquera das seguintes contas bancarias, de titularidade municipal.

- ABANCA: ES63-2080-0087-72-3110000015
- BBVA: ES84-0182-4300-74-0000000041
- SANTANDER: ES41-0049-2950-38-1010038930
- LA CAIXA: ES06-2100-6309-98-0200000446

Na transferencia débese indicar claramente: **Campamento Conciliación Miño Respira 2024, nome e apelidos da/o participante, o mes e quenda de asistencia e lugar onde se celebra.**

Os prazos para a realización do pago é do 17 ó 24 de xuño.

Unha vez realizada a transferencia, débese facilitar o xustificante bancario no correo electrónico: servizos.sociais@concellodemino.gal no mesmo prazo da realización do pago.

De non entregarse o xustificante bancario conforme o pago correctamente antes do prazo estipulado, implicará a perda da praza no campamento e a súa ocupación por un integrante da listaxe de reserva.



Concello de Miño

Rúa A Carreira, 38 - 15630 Miño

ÁREA: SERVIZOS SOCIAIS

EXPTE: 2024/S012/000001

De non realizar o abono da totalidade das quendas nas que foi seleccionada/o entenderase como renuncia as quendas non aboadas correspondentes.

7.- Renuncia a praza e devolución do importe

Unha vez adxudicadas ás prazas e realizado o pago só se executará a devolución do importe no caso de razón médica debidamente xustificada por informe médico e no caso de producirse antes do comezo do mes.

En Miño, na data da sinatura electrónica

O alcalde

Asdo.- Manuel Vázquez Faraldo